



INIMIK  
ATTARTORNERMIIT  
PIGINNILERNERMUT  
- *isuma pitsak!*

FRA **LEJER** TIL **EJER**  
- *en god idé!*



**IMARISAI**

<b>Aaallaqqaasiut</b> .....	3
<b>Ajornartorsiummik qulaajaaneq</b> .....	4
<b>”Attartornermiit piginnilernermit - isuma pitsak” - aaqqissuussamut nutaamut siunnersuutit</b> .....	6
Aningaasat uninngaannartut illoqarfiup eqiingasumik ineriartortinneqarnissaanut atorneqarlit .....	6
Attaveqanngissuseqarneq .....	6
Ileqqaagaqarneq .....	7
Aaqqissuussineq Kalaallit nunaanut tamarmut .....	7
<b>“Attartornermiit piginnilernermit” - aaqqissuussaq</b> .....	8
Kisitsisit assersuutit .....	9
“Inissiat marluusut pingasunngorsinnaapput” .....	11
<b>Inatsisitigut tunngaviusut</b> .....	12
Inatsisaasut allanngussanngillat .....	12
Pisariaqarluinnarpoq Namminersornerullutik Oqartussat isummiussamik akuersinissaat .....	12
<b>Apeqquutit akissutaallu</b> .....	12

Titarnert atorlugit sanasut:  
**INFO DESIGN APS**  
 Postboks 889 · 3900 Nuuk  
 Telefon 32 25 41 · Telefax 32 27 41  
 E-mail: infodesign@greenet.gl

**AALLAQQAASIUT**

***Kommunalbestyrelse November 2000-imi aningaasaqarnermut tunngatillugu ataatsimiinnermini aalajangiuppaa kommunip inissiaataanik tuniniaasinnaaneq.***

Kommunip inissiaataanik tunisinermi aningaasat milli-uunerpassuit uninngaannaraluartut atorsinnaangussapput, taakkulu nutaanik inissialiornermut inissiallu nutarterneqarnerannut atorneqarsinnaasungussapput. Kommuunip inissiaataanik tunisineq taamaasilluni inissaaleqinermit, utaqqisorpassuarnut inissiallu nammi-neerluni piginnittut attartortittagaasa akisunerujussu-annut illuatungiliuttungussaaq. Taamatuttaaq inuia-qatigiinnut sunniutigissavaa inissaqarniarnerup tungaa-tigut pissutsinik nalimmassaaneq. Kalaallit nunatsinni ineqarniarnerup tungaatigut iluarsiisoqannginneq ullut tamaasa ineriartornissaraluamik toqqissisimanermillu naleqartarpoq.

**AJORNARTORSIUMMIK QULAAJAANEQ**

**Nuup kommuniani ajornartorsiutit annersaraat inissaaleqineq.** Ullumikkut amigaataasut 1200-juusutut nalilerneqartarput, illoqarfyllu ineriartupiloornera qiviassagaanni ukiualunnguit qaangiuppata pisariaqartitsinerup annertuninngornissaa qularnanngilaq.

Ullumikkut pisortat sulisuminnut nalinginnaasumillu attartortittakkanik inissialiortuupput, Namminersorerullutillu Oqartussat Nuullu kommunea “nammineerlutik” inissiertunut (andels- aamma nammineq illut) aningaasarpassuarnik tapiisarput.

Namminersorerullutik oqartussat allaaserisaanni “Siunissamat takorluukkat” september 2000 tikuaguar.

*“Nunatsinni inissaqarniarnerup ilisarnaatigaa illuliat inissiallu 90%-ii missiliorlugit naalagaaffiup, Namminersorerullutik Oqartussat kommunillu tamakkiisumik ilaannakortumilluunniit akiligarimmatigit.... Inissiat assigiinngitsut ullutsinnut naleqquttut naammattumik amerlassusillit amigaataapput sulisussat naammattumik nikerarsinnaanerisa qulakkeernissaanut. Illuliortiternermut tunngatillugu Naalakkersuisut siunniuppaat pisortat illuliortiternerat anikilliarortinneqassasoq namminersortut illuliortiternissaannut tunngavissat pilersinneqariartornerat ilutigalugu.”*  
*“Pisortat inissiaataasa attartortittakkat piginneqatigiillu piginneqalernissaannut inunnilluunniit ataasiakkaanit piginneqalernissaannut periarfissaqarnerulernissaq”* misissoqqissaarneqassaaq.

Siusinnerusukkut Namminersorerullutik Oqartussat sanaartornermut tapeeriaasiat Nuup kommunianittaaq atorneqarsimasoq 60% angullugu tapiisarneq unitsinneqarpoq. Tassalu imaappoq Namminersorerullutik Oqartussaniik Nuup kommuneani inissianik sanaartornermut aningaasaliisoqassaarpoq. **Kommunep nammineerluni avataaniit aningaasaliisoqanngippat inissialiorneq ingerlassinnaanngilaa.** Tamanna tunngavigalugu kommunalbestyrelsi aalajangerpoq inissiat kommunemik piginneqartut tuniniassallugit. 2001-imilu inissiat 50-it tunineqarnissaat aningaasanik missigersuummi ilaareerput ukiunilu 2002, 2003 2004-milu inissiat 100 tunineqarnissaat.

Suliassap siunertaraa kommunimut inuiaqatigiinnullu naleqqulluartumik aaqqiinissaq - siullermik inissiaatinik tunisineq - aningaasanillu uninngaannartunik ator-sinnaangortitsineq inissianik nutaanik sananissamut - illuatungaatiqullu inissianik piserusuttunut periarfissanik pitsaasunik tikkuussineq taammatuttaarlu inuiaqatigiinnut. Aaqqissuusineq taamaattoq ajornanngitsumik eqaatsumillu sulisunik nakkutigineqarsinnaasariaqarpoq. Taamatuttaq inatsisit pioreersut allanngortinnagit atuuttussanngortitariaqarluni.

## **"ATTARTORNERMIIT PIGINNILERNERMUT - ISUMA PITSAASOQ" - AAQISSUUSSAMUT NUTAAMUT SIUNNERSUUTIT**

Pisortat inissiaataanik tunisineq - pitsaasunik ingerlanneqaruni - kommunemut, inuttaasunut nunatsinullu tamarmut kinguneqarluartussaavoq.

### ***Aningaasanik uningaannartuniik illoqarfiup qilasumik ineriartortinneqarneranut atuineq***

Aningaasarpassuit ullumikkut pisortat inissiaataanni uninngaannartut atorsinnaanngussapput, taammaalillutillu inuiaqatigiinnut milliarderpassuarnik tunisisinnaallutik, illoqarfiup ineriartortinneqarneranut atorneqarsinnaalerlutik. Siumut eqqarsaatigineqarsinnaavoq kommunip qulaakkeersinnaagaa inissianik 1800-nik saanaartortitsinissaq, ullumikkut inissiaatiminik tunisinermigut. Taamatut eqaatsumik qilasumillu illoqarfimmik ineriartortitsinissap qulakkeertussaavaa suliffissaqartitsineq sullivinullu siunissami suliassaqarluarneq. Nammineerluni iniuteqalernerup kingunerilluarsinaavaataaq sullivinnik kiffartuussivinnillu nutaanik aallartitsisoqarneq.

### ***Attaveqanngissuseqarneq***

Namminerisamik ineqalernerup nassatarissavaataaq inuttaasut pitsaasunik inissaqarniarnerup tungaatigut atugassaqalernerat. Innuttaasut inissianik imminnut naleqquttunik, pitsaasunik pisisinnaalissapput, taamaalillutillu inissaminnik toqqagarinngisaminnik tunineqartarnertik qaangeriartulissallugu, ulumikkummi taama ingerlasoqarpoq.

Inissianik pisisussat inigisanimmud ullumikkutut qilersugaasutut misigisimajunnaassapput, tassami ullumikkut suliffimmud inissaaleqinerluunniit aallaavigalugu inigisamut qilersorsimasutullusooq ittoqarmat. Inigisaq aallaaviginagu suliffissarsiortoqarsinnaalissaaq imalunniit nammineerlugu sulliviliortoqarsinaalerluni. Tamanna ullumikkut nunatsinni atorneqanngingajappoq, akutsunngitsunilli qaqinneqartarluni innuttaasuniit, suliffeqarfiutilinniit pisortaniillu.

***Ileqqaagaqarneq***

Namminerisamik inigisaq tunineqarsinnaallunilu pisiarinqarsinnaavoq, pisisullu aningaasat toqqortani taamaalilluni inissilluarsinnaavai imminut inuiaqatigiinnullu iluaqutissanngorlugit. Inissiamik pisisup ukiut 15-it ingerlanerini imminut ileqqaagarisinaavai 100 tusindtit arlallit! Taakkulu ileqqaakkat suliffiutitaarusukkaanni, utoqqalinissamut ileqqaarusukkaanni imaluunniit allanut atorneqarsinnaapput. Assersuutigalugu Nuummi inissat 3000 namminerisamik pigineqalersut ukiut 15-it qaangiunnerini 1,8 milliardinik ileqqaagaqarfiusimassapput, manna siunnersuut akuerineqassappat.

***Aaaqqissuussineq Kalaallit nunaannut tamarmut***


Namminersornerullutik Oqartussat aningaasaqarnermut inatsimmi aningaasanik immikkoortisimangillat Nuup kommuneani inissialiornissaq eqqaarsaatigalugu. Namminersornerullutik Oqartussat inissianik tunisnermi pissarsiatik inissialiornermi pulje-mut inissinnerisigut – aningaasaqarnermut inatsit avaqqullugu – inissialiornernut nutaanut peqataajuartussapput aammaataaq Nuummi.

”Attartornermiit piginnilernermit” aallartinneqassappat kommunini anginerusuni ullumimiit annertunerujussuarmik nammineerlutik illoqarfimmik ineriartortinnissaannut periarfissaqalissapput. Namminersornerullutik Oqartussat illoqarfinnut anginerusunut taper-sersuinerat unikaallappat taamaalilluni aningaasat taakkununga atorneqarnerigaluat piffinnut allanut nunatsinniittunut atorneqarsinnaalissapput. ”Aningaasaa-tigullu” Kalaallit nunaannut tamarmut taamaalillutik iluaqutaaninngussagaluarlutik!

**"ATTARTORNERMIIT PIGINNILERNERMUT"  
- AAQOISSUUSSINEQ**

Kommunip pimoorutinngikkaluarlugu illoqarfimmi aningaaseriviit oqaloqatigisimavai. Taakkulu nalliine-rata takutippaa akiligassarsisinnaaneq 60% angullugu anguneqarsinnaasoq inissiat pisortanik tuniniarneqar-niartut eqqarsaatigalugit. Tunisinermi akit soorunami annertussusissaasa tunngavigissavaat inissiap qanoq pi-soqaatiginera, pitsaassusaa sumiinneralu. Attartukkat pisisumut tunniunneqassapput inissiamik qulakkeeru-serlugit. Atortitsisoq naliginnaasumik siulliulluni inissi-amik tiguisinnaanngortarpoq. Attartortitsinerit taa-maattut nalinginnaasumik ukiut 15-it qaangiunnerini akilereerneqarsimasariaqartarput.

40% sinneruttut pisortat aqputigalugit qulakkeerne-qarsinnaapput - attartukkat siulliit akilersornerini aki-lersugaassanngitsut (ukiut 15-init). Pisortat attartorti-taat inissiakkut pantebrevinik qulakkeerneqassapput, taamaalillutik tiguisinnaasutut tullertut inissinneqas-sallutik. Piginnilersoq imaassinnaavoq attartugaqaqqis-sinnaasoq pisortanut akiitsumi ingerlaannartumik aki-lernisaannut atugassanik, attartukkat siulliit akilereer-nerisa kingorna - imaluunniit pisortanit attartukkat naafferarlugit akilersorneqarsinnaapput.



Akiligassat pisinermut tunngasut tamarmik tunisinermi ilaatillugit naatsorsorneqarsimapput. Attartortitsisoq (aningaaserivik akiligassarsivilluunniit) pisortallu taam-matut pisinermi aningaasalersuisuupput. Pisisoq pisi-nerminut atatillugu siuleqqiuteqassanngilaq, taamaam-mallu ileqqaagaqarsimanissaq pisariaqanngilaq. **Taa-maattumik kikkulluunniit inimik pisinissamut peri-arfissinneqarput.**

***Kisitsisit assersuutit***

Tuniniagaq assersuutigalugu 1,0 milliuuneqarpat pisisusaq 60%-imik aliligassarsivimmi atussaaq (600.000 kr.). taakku 600.000 kr. pisisup pisortanut akiliutigissavai pisinissaq naammassipat. Taakku aningaasat sanaartornermut inissianullu pulje-mut ilineqassapput. Sinneruttut 40%-it (400.000 kr.) pisisup pisortaniit ukiuni 15-ini attartussavai aatsallu ukiut 15-iniit qaangiuppata akilersulerlugit.

Pisisoq qaammatit pingasukkaarlugit qaammatikkaarlugilluunniit akiliisassaaq. Akiligassat tassaapput rentit attartorsimasanullu akiliutit. Akiliineq tamanna taaneqartarpoq bruttoydelse = akiligassat tamakkerlugit. Pisisimasup akileraarnermut malittarisassat malillugit rentit isertitamigut ilanngaatisinnaavai. Akileraarnermi ilanngaatisassaaq ilanngaatigereerneratigut = nettoydelse ersertarpoq. Tassaavorlu piginnilersup ineqarnerminut "akiliutivia" ileqqaagaqarneq ilanngullugu.

Namminersornerullutik Oqartussat nalunaarutigereerpaat **naliginnaasumik inigisanut akiliutigisartakkat** qaffakkumaartut. Siunissami inissianut akiliutigisartagassat pisiarineqarnerisalukingorna akit imminnut ataqatigiinnissaat eqeersimaarfigineqassaaq, amerlanerpaat iniminnik pisiarinnissinnaanerak qulakkeerniarlugu. Pisiarinnittoq ineqarnermi saniatigut ineqartunut peqatiiffinnut atuinernullu allanut (innaallagissamut, kiassarnermut sillimasiinernut il.il.) akiliisassaaq. Siunniunneqarpoq pisortat piginnittullu qulakkiissagaat peqatigiiffiliorqarnissaa pisariaqartitat aallaavigalugit.

Pisisimasup rentimut akiliutigisartakkani akileraarnermini ilanngaatigineratigut kommunemi isertitassat ikiliallatissavai. Taannalu annaasaqarnermik (provenuetab) taaneqartarpoq. Eqqarsaatigineqartariaqarpoq taanna kommunemi atukkanut akiliilernermi ilanngullugu akilernerqassanersoq.


ASS. 1

	<b>Erniat procentii</b>	<b>6,0%</b>	<b>7,0%</b>	<b>8,0%</b>
<b>Tuninerani akeq:</b> 1,0 mio. kr.	Brutto akiligassat tamakkerlugit ukiumut	60.944,23	64.928,06	69.043,12
<b>Aningaaseriviit/ akiligassarsiviit:</b> 0,6 mio. kr.	Brutto akiligassat tamakkerlugit qaammammut	5.078,69	5.410,79	5.753,59
<b>Pifissaq akileraarfissaq:</b> Ukiut 15-init	Netto ilanngaatisassat ilanngaatigereernerisigut ukiumut	46.770,98	48.371,63	50.099,02
	Netto ilanngaatisassat ilanngaatigereernerisigut qaammammut	3.897,58	4.030,97	4.174,92
	Pisortat akileraarnikkut annaasaqataat / ukioq siulleq	14.173,25	16.556,43	18.944,10
	Pisortat akileraarnikkut annaasaat katillugit	125.665,36	149.568,38	174.258,71


**Ass. siulliup takutippaa** 1 milliuunilimmik pisisup akiligassai ukioq siulleq erniat procentii assigiinngitsut asersuutigalugit, taamatullu pisortat annaarisinnaasaat, pisisup isertitarisinnaasai minnerpaat ilanngaataaffiusinnaasut eqqarsatigalugit.

**Ass. aappaata takutippaa** inissiap 1 milliuunilersimasap ilanngaatisassat ilanngaatigereerlugit qanoq akeqarnissaa, tassalu 3900- 4200 qaammammut, erniat apeqqutaatilugu. Taakku saniatigut peqatigiifimmut atuinernullu allanut akiliisoqassaaq.

ASS. 2



ASS. 3



**Ass. pingajuata takutippaa** piginnittup ukiut 15-init qaangiunnerani atukkani 600.000 kr. akilersimassagai, taakkulu piginnittup inimini ileqqaagarivai. Tamakku saniatigut inigisap akimigut qaffassimanissaa eqqaamasariaqarpoq.

***”inissiat marluk pingasunnorsinnaapput....”***

”Attartornermiit piginnilernerup” aallartinnerata nasatarisinnaavaa ”annertusigaluttuinnartumik” aallartit-sineq, tassami pisortat tunisinerup kingorna inissianik nutaanik sanaartorsinnaanngussammata. Nuup kommuneata ullumi inissiat 1200-t pigai tuneqarnermikkut minnerpaamik inissianik allanik 1800-ik sanaartortitsilersinnaasut **allatulluunniit oqaatigalugu inissiat tunineqartut aappaata affaanik amerlanerusut.**

Pisortat inaatiminnik ataatsimik tunisineremikkut tuninerata akiata 60%-ianik pinermikkut inissiat 1,5 sanasinnaalissavaat, inissialiassat nutaat akii tunisamittut akeqarpata. Taamatut nutaanik inissialiorneq aatsaat pisinnaavoq pisortat inissialiornerminni akiata 60%-ia akiligassarsiivinniit attartorsinnaappassuk, taannalu sanaartornermi attartugaq sanaap naammassinerani ineqalersussamut tunineqarpat. Inissiartaap akiata 40%-ia pisortat namminneq aningaasartuutigissavaat. Malugeqquneqarpoq kisitseriaaseq eqqarsaatersuutaammat - tassami naliginnaasumik inissialiorneq akisunerusarpoq - kisiannili taamatut periaatsip takutippaa assut soqutiginaruullunilu siunniutanut ilaasariaqarnera.

Inissianik 1,0 milliuunilinnik tunisineremi inissianillu taamatut akilinnik sananermi missigersuutit ima isikkoqarput:

Inissiat pioreersut marluk tuninerani isertitat Inissianik nutaanik marlunnik sananermi aningaasartuutit	1.200.000 kr. (2 x 600.000 kr.) 800.000 kr. (2,0 milliuunit 40%-iat)
Inissianik nutaanik sananissamut atugassat	<b>400.000 kr.</b>
Inissiamik nutaamik allamik sananissamut aningaasartuutissat	1.000.000 kr.
60% aningaaserivimmiit / akiligassarsiivimmiit	600.000 kr.
taavalu 40% pisortaniit	400.000 kr.

Taamatut aqqissuussinermi ”attartornermiit piginnilernermut”- mi pisortat pisinerup kingorna ukiut 15-iniit qaangiuppata pisiarinqartup akiata 40%-iat pissavaat. Tamannalu siunissami pisortat inissialiortuarnissaannut qulakkeerisuvoq. Kommunellu tunisaqarnini aallaavigalugu tamakku nalilersortuartariaqarpai.



## INATSISITIGUT TUNNGAVIUSUT

### ***Inatsisaasut allanngussanngillat***

Tunngaviusumik inatsisit allanngortinneqarnissaannik pisariaqartitsisoqanngilaq ”attartornermiit piginnilernermut” eqqaassagaanni. Inissianik niuernermi pisinermiluunniit inatsisit tunngaviusut naammaginarput, tamakkulu pisortat akiligassarsiffiusinnaasullu assiginnigtsut ilisimaarilluarpaat. Matumuunali taasariaqarpoq ullumikkut atuuttuusut ineqarnermut tapiifigititarnert, meeqqanullu tapiusartut namminerisamik ineqalersunut atuutissanngimmata.

Pisortat iniutaanit tuniniaanerni aningaasaliisarnert makku – piginneqatigiilluni illuliortitsinerit imaluunniit 10/40/50 atorlugit sanaartortitsisarnert - assiginik periuseqartoqassappat inatsisinik allanngortitsinissaq pisariaqalissaaq. Taakku aalajangersakkat pisortat inaatannik tuniniaaniaraanni atorneqarsinnaanngillat, taamaammallu taama iliortoqarnialissagaluarpat suliaasaq annertoq aatsaat aqutigeqqaartariaqarpoq.

### ***Pisariaqarluinnarpoq Namminersornerullutik Oqartussat isummiussamik akuersinissaat***

”Attaartornermiit piginnilerneq”-mik aallartitsisagutta Namminersornerullutik Oqartussat isumaqatigiissu-siorfiginissaat pisariaqarluinnarpoq. Namminersornerullutik Oqartussat peqqussutaanni inissialiornerit pillugit nr.1 9. april 1992 –imeersumi peqqussutaavoq kommuunit Namminersornerullutik Oqartussanik isumaqatiginneqqaaratik Namminersornerullutik Oqartussat aningaasaliiffiqataaffinik inissianik tunisarsinnaanerannut tunngasut. Namminersornerullutik Oqartussat nalinginnaasumik 60%-imik aningaasalersuisarsarput.

Taamaattumik Kommune Namminersornerullutillu Oqartussat atsioqatigiiffiusumik isumaqatigiittariaqarput pisortat inissiaataannik tunisinermi - inissianut sanaartornernullu puljemik pilersitsissallutik, Nuup kommuneani. Inatsisip taamaattup qulakkeernissaa pisariaqarpoq. Namminersornerullutik Oqartussat taamaaliorusunnigpata Nuup kommuneata inissiatini innuttaasunut tunisnaannilai, taamaalillunilu isuma ”attartornermiit piginnilernermut” maangaannassaaq.

**APEQQUTIT AKISSUTAALLU**

- 1: Qaqqut iniga attartugara pisiarisinnaavara?  
*Akissut: Taamatut iliortoqassappat Namminersornerullutik Oqartussat kommunip pilersaarutaa akuersisariaqarpaat. Nuup kommuneata siunertaraa sapinngisamik piarnerpaamik innuttaasut attartorlugit inigisat pisiarisinnaalissagaat.*
- 2: Kommunip inissiatini Namminersornerullutik Oqartussat avaqqullugit tuniarsinnaavai?  
*Akissut: NAAGGA, taamaallaat annikitsualunnguit. Innuttaasut kommunip inissiaataaniittut tamarmik periarfissinneqassappata Naamminersornerullutik Oqartussat akuersisariaqarput.*
- 3: Pisariaqarpa inigisara pisiarissallugu?  
*Akissut: NAAGGA - illit nammineq aalajangigassaraat attartortuinnarusunnerlutit imaluunniit inigisat pisiarissanerlugu.*
- 4: Inigisama qanoq innera tunngavigalugu naliliisoqassava pisiarinnginnerani? Soorlu nateq nutaaq imaluunniit matut nutaat ikkukkukkit nalinga qaffassava?  
*Akissut: Nalinginnaasumik inigisap aningaasatigut nalinga qaffatarpoq aqqisuunneqarsimappat. Pisisasap qanoq akileerusunna apeqqutaasarpoq ini tuninarneqaleraangat.*
- 5: Inigisara pisiarereerlugu aneerasaartarfia igaalaaviluunniit allanik taarsersinnaavakka?  
*Akissut: Tunngaviusumik piginnittup inigisani aalajagiifigisinnaavaa. Silataanili allanngortiterinerit piffimmi aalajangersagaqarpat tamakku malillugit pissarput.*
- 6: Inigisara pisiarissagukku kina silatinni aputaajaasuullunilu eqqaasassava?  
*Akissut: Ineqarnermi peqatigiiffiup tamanna isumagittissavaa.*

- 7: Maannakkut attartorlunga inigisanni qimmeqaqqu-saanngilanga. Inigisara pisiarissagukku pisiarereernerata kingorna qimmeqarsinnaavunga imal. qit-suk?

*Akissut: Tamatumani peqatigiiffimmi ilaasortat isumaat apeqqutaassaaq.*

- 8: Maannakkut inigisara pisiarisimasara allamik initaarlunga qimannialerukku allanut attartortissinnaavara?

*Akissut: Aap. Apeqqut 9 takuuk.*

- 9: Inigisama pisiarereernerata kingorna nunatsinniit aallarpunga. Inigisara attartortissinnaavara imaluunniit maani najugaqartariaqarpa taamaliussa-gaanni?

*Akissut: Ini ILLIT nammineq pigivat, taamaammallu attartortissinnaavat. Peqatigiiffimmi attartortitsiner-mut tunngasunik isumaqatigiissusiortoqarsinnaavoq, pisortat piginnitullu peqatigiiffinnik aallartitsiniarner-mut suleqatigiissitaliorsinnaapput.*

10. Tikisitat inigisatik pisiarisinnaavaat?

*Akissut: Kommunimi ukiuni aggersuni tikisitat suli pi-sariaqartinneqartussaapput. Taamaattumik tamakku inissaqartinniniarlugit kommunip inissiaatimi ilaat tamakkununga atugassaatinniisaat pillugu piginnarta-riaqarpai tamakkulu attartortunut tunineqarsinnaa-ngillat.*

- 11: Aaqquissuussap taamaattup nunarput tamaat qanoq sunnersinnaavaa?

*Akissut: Kommuuneqarfiit annerusut namminneq taamatut periuseqalernerisigut Namminersornerullutik Oqartussat piffinni minnerusuni aningaasanik amerlanerusunik atugassaqalernerannik kinguneqassaaq.*

